

Na osnovu člana 11. stav (7) Zakona o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji („Službene novine HNK“, broj: 2/13), člana 6. Uputstva o načinu i uslovima za ostvarivanje podrški u primarnoj poljoprivrednoj proizvodnji i prehrambeno-prerađivačkoj proizvodnji za 2025. godinu („Službene novine HNK“, broj: 7/25, 11/25), a vezano za član 5. stav (17) i stav (18) Programa utroška novčanih sredstava za novčane podrške u primarnoj poljoprivrednoj proizvodnji i prehrambeno-prerađivačkoj proizvodnji za 2025. godinu, („Službene novine HNK“, broj: 7/25) Ministar poljoprivrede, šumarstva i vodoprivrede Hercegovačko-neretvanskog kantona donosi

ODLUKU

O ODOBRAVANJU ISPLATE NOVČANIH PODRŠKI KLIJENTIMA KOJI SU ISPUNILI USLOVE ZA DODJELU NOVČANE PODRŠKE - MODEL KAPITALNIH/INVESTICIJSKIH ULAGANJA - SUBVENCIJA NABAVKE TRESAČA ZA BERBU MASLINA

I

Odobrava se isplata novčanih podrški klijentima koji su ispunili uslove za dodjelu novčane podrške - Subvencija nabavke tresača za berbu maslina, u skladu sa članom 26. Uputstva o načinu i uslovima za ostvarivanje podrški u primarnoj poljoprivrednoj proizvodnji i prehrambeno-prerađivačkoj proizvodnji za 2025. godinu („Službene novine HNK“, br. 7/25, 11/25), a vezano za član 27. Programa utroška novčanih sredstava za novčane podrške u primarnoj poljoprivrednoj proizvodnji i prehrambeno-prerađivačkoj proizvodnji za 2025. godinu („Službene novine HNK“, broj: 7/25), kako slijedi:

Obračunska tabela - Subvencija nabavke tresača za berbu maslina

R/b	Broj iz Registra klijenata RK	Prezime i ime/ naziv pravnog lica/ obrta klijenta	Općina	Ukupan iznos novčane podrške u KM
1.	200935853	DŽONO PERO	NEUM	325,00
2.	200919106	KOZINA MIHAEL	ČAPLJINA	644,00
3.	201076382	KRNJIĆ STANKO	ČAPLJINA	325,00
4.	200918932	KRVAVAC MARKO	ČAPLJINA	537,00
5.	200161017	LEŽENIĆ VIDAN	NEUM	325,00
6.	200878841	MATIĆ JOZEP	NEUM	325,00
7.	201094976	MORO IVANA	STOLAC	390,00
8.	200776054	PERUTINA IVAN	GRAD MOSTAR	325,00
9.	201114640	RAIČ STANKO	NEUM	325,00
10.	200959132	RAJIĆ MIODRAG	ČAPLJINA	325,00
11.	201063400	VULETIĆ VLAHO	NEUM	325,00

II

Na osnovu ove Odluke Ministar odobrava isplatu novčanih podrški na obračunskim tabelama.

III

U skladu sa Programom i Uputstvom obračun novčane podrške za Subvenciju nabavke tresača za berbu maslina vezano za raspoloživa sredstva izvršen je u iznosu od 25% ukupne vrijednosti tresača za berbu maslina. Za nositelja porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva obračun je izvršen u iznosu od 30% ukupne vrijednosti tresača za berbu maslina.

IV

Klijent koji je podnio zahtjev po Modelu kapitalnih/investicijskih ulaganja može ostvariti podršku u skladu sa propisanim uslovima samo po jednoj vrsti kapitalne/investicijske podrške. Klijent uz kapitalnu/investicijsku podršku može ostvariti i propisane vrste podrški (biljna proizvodnja i animalna proizvodnja).

V

Klijent treba biti upisan u Registar poljoprivrednih gazdinstava/Registar klijenata, te imati ažurirane podatke u registru u skladu sa odredbama Programa i Uputstva.

VI

Klijent gubi pravo na podršku ako bankovni račun koji je lično prijavio u Registar poljoprivrednih gazdinstava (RPG) i Registar klijenata (RK) nije aktivan.

VII

Korisnici sredstava iz tačke I ove Odluke dužni su tresače za berbu maslina za koje su ostvarili podršku, označiti odgovarajućim naljepnicama na kojima je istaknut logo Ministarstva na sljedeći način:



Naljepnica treba biti postavljena na vidnom mjestu, izrađena od vodootpornog materijala u dimenzijama 5 cm visine i 6 cm širine. Korisnik sredstava iz tačke I ove Odluke snosi troškove izrade naljepnica. Kontrolu označavanja tresača za berbu maslina sa naljepnicama vršit će poljoprivredna inspekcija.

VIII

Inspekcijski nadzor u provođenju Zakona o novčanim podrškama u primarnoj poljoprivrednoj proizvodnji i prehrambeno prerađivačkoj proizvodnji, Programa, Uputstva i ove Odluke obavljaju poljoprivredni inspektori Ministarstva. Poljoprivredni inspektor vrši uvid na mjestu proizvodnje kod klijenta, provjerava i utvrđuje vjerodostojnost podataka i dokumentacije koju je podnositelj zahtjeva dostavio s ciljem dobivanja sredstava za novčanu podršku za koju podnositelj zahtjeva odgovara. Ako poljoprivredni inspektor inspekcijskim nadzorom na licu mjesta kod klijenta utvrdi nezakonito dobivanje podrške suprotno propisanim uslovima, sačinjava zapisnik, poduzima mjere i naređuje klijentu povrat nezakonito ostvarene novčane podrške u Budžet HNK.

IX

Klijent ne može otuđiti tresač za berbu maslina za koji ostvari podršku u periodu od dvije godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.

X

U skladu sa Zakonom, Programom i Uputstvom sačinjavanje zapisnika radi utvrđivanja činjeničnog stanja u svrhu ostvarivanja kantonalnih novčanih podrški, po mjestu proizvodnje vršili su ovlašteni državni službenici općine/grada. Za utvrđeno činjenično stanje na terenu kod klijenta na poljoprivrednom gazdinstvu u pogledu općih i posebnih uslova propisanih Uputstvom i podataka u RPG/RK, u skladu sa propisima odgovorni su državni službenici općine/grada koji su obavili uvid i sačinili zapisnik na terenu klijenta.

XI

Sredstva za realizaciju ove Odluke osigurana su na poziciji „Poticaji u poljoprivredi“, organizacijska jedinica 37010006, ekonomski kod 614 400, PA0004, Budžet HNK za 2025. godinu („Službene novine HNK“, broj: 4/25)

XII

Ova Odluka objavit će se javno na oglasnoj ploči Ministarstva, općine/grada i web stranici Vlade HNK i Ministarstva, što je istovremeno i obavijest svim podnositeljima zahtjeva za novčanu podršku.

XIII

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko – neretvanski kanton
Ministarstvo poljoprivrede, šumarstva i vodoprivrede

Broj: 03-20-3063 /25
Mostar, 27. 11. 2025. godine

